

**Legatio Marchionis Lavardini Romam, Ejusquè Cum
Romano Pontifice Innocentio Undecimo Dissidium**

Sfondrati, Celestino

[S.I.], 1688

32. Quo animo Pontificem esse oporteat, si armis Galli experiantur?

[urn:nbn:de:hbz:466:1-62944](https://nbn-resolving.de/urn:nbn:de:hbz:466:1-62944)

ferè triginta proponerent, ingenti va
cantium Ecclesiarum damno.

Octavò. Taceo novam, & Gallicā pie
tate indignam persecutionem, quā con
tra Ecclesiæ immunitatem tot insignes
præclarique Sacerdotes, & Ecclesiastici
dignitatibus aucti, carceribus, proscri
ptionibus, exiliisquè puniti sunt. Ha
nunquam Innocentius probare potuit
& qui posset à sacris Canonibus, ab Ec
clesiæ Gallicanæ institutis, & Legibus
Divinis, humanisquè adeò aliena? Hinc
Gallorum querelæ, qui & Pontificem, &
Pontificis Ministros odij acusant, quod
non velint, quæ non licent, quodquè non
possint Regiorum Ministrorum cupid
itatibus adulari; & Deum, Conscientiam,
Regemquè prodere tam turpi ac indigna
conniventia.

XXXII. Ultimò. Deniq; sparsim hic
Auctor minatur: (quod etiam Lavardi
nus in fine Apologiae suæ fecerat) Si quis
reverentiæ honori defuerit Legato tam
Monarchæ debito, reum illum fore omnium
malorum, quæ ex irata, offensaq; Regis Ma
jestate provenire possint.

R. Jam

R. Jam observatum est, Asylum non pertinere ad honores ac jura Legatorum, nec Lavardinum posse Legatum dici, sicquè nullam justam causam prætexi Regiæ indignationis. Quòd si tamen, ut Lavardinus minatur, Christianissimo Regi placuerit armis hanc causam finire, & quod jure nō potuit, vi ac potentia exprimere, nihil aliud Innocentio supererit, quam ut patientia Pontifice digna, quidquid Regi visum fuerit, intrepidè patiatur, sequè non Achillis, aut Hectoris, sed Piscatoris successorem meminerit, cui, ut gladio abstineret, à Christo imperatum est. Non ergo Christianissimo Regi, Ecclesiæq; Primogenito, aut arma, aut acies opponet, sed reverentiam Pontifici debitam. Dicetquè Innocentius, quod olim & in simili causa Ambrosius: (a) *Meministis, quod lectum est, Nabuthem sanctum verum possessorem vineæ suæ interpellatum petitione Regiæ, ut vineam suam daret, respondisse: absit ut ego tradam Patrum meorum hæritatem, si ille vineam suam non tradidit,*

I 6 nos

(a) *Ambros. in Auxent. & Epist. 33.*

204 De Abusu Franchitiarum

nos trademus Ecclesiam Christi? Quid igitur responsum est à me contumaciter? Dixi enim conventus absit, ut tradā Christi hereditatem. Respondi ego, quod Sacerdotis est, quod Imperatoris est, faciat Imperator, prius est ut animam mihi, quam fidem auferat. Si à me peteret, quod meum esset, id est fundum meum, argentum meum ius hujusmodi meum, non refragarer; Verum ea, quae Divina, non esse Imperatoriæ potestatis: si Patrimonium meum petitis, invadite: si corpus, occurram, vultis in vincula rapere, vultis in mortem? voluptati est mihi, non ego me vallabo circumfusione populorum, nec altaria tenebo vitam obsecrans, sed pro altaribus gratiùs immolabor.

Hæc olim Ambrosius Valentiniano Imperatori. Hæc iterum Innocentius Ludovico Regi.

F I N I S.

**

R E